



14
1544
141



什
1544
141

全五代詩卷九十六

羅江李調元雨村 編

荆南

齊 已八

題南岳般若寺

諸峰翠少中峰翠五寺名高此寺名石路險盤嵐露滑
僧窗高倚沃廖明凌空殿閣由天設遍地杉松是自生
更有上方難上處紫苔紅蘚遠崢嶸

題東林十八賢真堂

白藕花前舊影堂劉雷風骨畫龍章共輕天子諸侯貴

全五代詩

卷九十六

荆南

1597
141

全五代詩卷九十六

羅江李調元雨村

編

荆南

齊已

題南岳般若寺

諸峰翠少中峰翠五寺名高此寺名石路險盤嵐靄滑
僧窗高倚沈廖明凌空殿閣由天設遍地杉松是自生
更有上方難上處紫苔紅蘚遶崢嶸

題東林十八賢真堂

白藕花前舊影堂劉雷風骨畫龍章共輕天子諸侯貴

全五代詩

卷九十六

荆南

一

同愛吾師一法長陶令醉多招不得謝公心亂入無方
何人到此思高躅嵐點苔痕滿粉墻

謝靈運欲入社遠大
師以其心亂不納

寄廬岳僧

一聞飛錫別區中深入西南瀑布峰天際雪堆千片石
洞門冰折幾株松烟霞明媚棲心地苔蘚縈紆出世蹤
莫問江邊舊居寺火燒兵劫斷秋鐘

遊谷山寺

城裏尋常見碧稜水邊朝暮送歸僧數峰雲脚垂平地
一徑松聲徹上層寒澗不生浮世物陰崖猶積去年冰
此身有底難拋事時復攜筇信步登

楚寺寒夜作

寒爐局促坐成勞暗淡燈光照二毛水寺閑來僧寂寂
雪風吹去鴈嗷嗷江山積疊歸程遠魂夢牽沿過處高
畢竟忘言是吾道袈裟不稱揖蕭曹

送恭禪師歸南岳

石龕閑鎖白猿邊歸去程途半在船林簇曉霜離水寺
路穿新野入山泉已尋嵐壁臨空盡却看星長向地懸
有興寄題紅葉上不妨收拾別為編

山中寄凝密大師兄弟

一爐薪盡室空然萬象何妨在眼前時有興來還覓句

已無心去即安禪山門影落秋風樹水國光凝夕照天
借問荀家兄弟內八龍頭角讓誰先

海棠花

繁於桃李盛於梅寒前旬前社後開半月暄和留豔態
兩時風雨免傷摧人憐格異詩重賦蝶戀香多夜復來
猶得殘紅向春暮牡丹相繼發池臺

寄文浩百法

聞欲擁
龜參禪

當時六祖在黃梅五百人中眼獨開入室偈聞傳絕唱
昇堂客謾恃多才鐵牛無用成真角石女能生是聖胎
聞說欲拋經論去莫教惆悵却空迴

謝元願上人遠寄檀溪集

白首蕭條居漢浦清吟編集號檀溪有人收拾應如玉
無主知音只似泥入理半同黃葉句遺懷多擬碧雲題
猶能為我相思在千里封來夢澤西

贈智滿三藏

灌頂清涼一滴通大毗盧藏遍虛空欲飛簷蔔花魚盡
須待陀羅尼有功金杵力摧魔界黑水精光透夜燈紅
可堪東獻明天子命服新酬贊國風

謝王先輩湘中迴惠示卷軸

少小即懷風雅情獨能遺象琢淳精不教霜雪侵元鬢

便向雲霄換好名攜去湘江聞鼓瑟袖來緱嶺伴吹笙
多君百首貽哀颯留把吟行訪竺神

謝武陵徐巡官遠寄五七字詩集

五字才將七字爭為君聊敢試懸衡鼎湖菡萏搖金影
蓬島鸞皇舞翠聲還是靈龜巢得穩要湏仙子駕方行
兩邊珍重遙相惠何夕燈前盡此情

重宿舊房與愚上人靜話

曾此樓心過十冬今年瀟灑屬生公檀欒舊值青添翠
菡萏新栽白換紅北面城臨燈影合西隣壁近講聲通
不知門下趨筵士何似當時石解空

荆門病中雨後書懷寄幕中知己

病根翻作憶山勞一雨聊堪浣鬱陶心白未能忘水月
眼青獨得見秋毫蟬聲晚簇枝枝急雲影平分片片高
還憶赤松兄弟否別來應見鶴衣毛

宿江寺

島僧留宿慰衰顏舊住何妨老未還身共錫聲離島外
跡同雲影過人間曾無夢入朝天路憶有詩題隔海山
珍重來晨渡江去九華青裏扣松關

謝貫微上人寄示古風今體四軸

四軸騷詞書八行捧吟肌骨遍清涼謾求龍樹能醫眼

休問圖澄學洗腸今體盡搜初剖判古風淳鑿未元黃
不知誰肯降文陣閣點旌旗敵子房

荆州貫休大師舊房

疎篁抽笋柳垂陰舊是休公種境吟入貢文儒來請益
出官卿相駐過尋右軍書畫神傳隨康樂文章夢授心
銷得青城千嶂下白蓮標塔帝息深

寄谷山長老

遊遍名山祖遍尋却來塵世渾光陰肯將的的吾師意
擬付茫茫弟子心豈有虛空遮道眼不妨文字問知音
滄浪萬頃三更月天上何如水底深

寄黃暉處士

蒙氏藝傳黃氏子獨聞相繼得名高鋒鏖妙奪金雞距
織利精分玉兔毫濡染只應親賦詠風流不稱近方刀
何妨寄我臨池興忍使江淹役夢勞

荆門勉懷寄道林寺諸友

榮枯得失理昭然誰毀離騷更問天生下便知真夢幻
老來何必歎流年清風不變詩應在明月無蹤道可傳
珍重匡廬沃洲主拂衣拋却好林泉

荅崔校書

雪色衫衣絕點塵明知富貴是浮雲不隨喧滑迷真性

何用潺湲洗濁聞北關會拋紅駝駝東林社憶白氛氤
清吟有興頻相示欲得多慙索蝕文

乞櫻桃

去年曾賦此花詩幾聽南園爛熟時嚼破紅香堪換骨
摘殘丹顆欲燒枝流鶯偷啄心應醉行客潛窺眼亦癡
聞說張筵就珠樹任從攀折半離披

寄南雅上人

曾得音書慰暮年相思多故信難傳清吟何處題紅葉
舊社空懷墮白蓮山水本同真趣向侯門剛有薄因緣
他時不得君招隱會逐南歸楚客船

寄歐陽侍郎

時在嘉州饋遺

又聞繁總在嘉州職重身閑倚寺樓大象影和山面落
西江聲合郡前流棋輕國手知難敵詩是天才肯易酬
畢竟男兒自高遠從來心不是悠悠

與崔校書靜話言懷

同年生在咸通裏事佛為儒趣盡高我性已甘披祖袖
君心猶待脫藍袍霜髭曉幾臨銅鏡雪鬢寒疎落剃刀
出世朝天俱未得不妨還往有風騷

謝人惠拄杖

印州靈境產修篁九節材應表九陽造化已能分尺度

全五代詩 卷九十六
保持爭合與尋常
幽林剪破清秋影
高手攜來綠玉光
深謝魯儒憐潦倒
欲教撐拄遶禪牀

謝秦府推官寄丹臺集

秦王手筆序丹臺
不錯褒揚最上才
鳳闕幾傳為匠碩
龍門曾用振風雷
錢郎未竭精華去
元白終存作者來
兩軸蚌胎驪頰耀
枉臨禪室伴寒灰

題畫鷺鸞兼簡孫郎中

曾向滄江看不真
却因圖畫見精神
何妨金粉資高格
不用丹青點此身
蒲葉岸長堪映帶
荻花叢晚好相親
思量畫得勝籠得
野性由來不戀人

賀行軍太傅得白氏東林集

樂天歌詠有遺編
留在東林伴白蓮
百尺典墳隨喪亂
一家風雅獨完全
常聞荆渚通侯論
果遂吳都使者傳
仰賀斯文歸朗鑒
永資聲政入薰絃

韶陽微公

曲江晴影石千株
吾子思歸夢斷初
有信北來山疊疊
無言南去雨踈踈
祖師門接園林住
丞相家同井邑居
閑野老身留得否
相招多是秀才書

將之匡岳過尋陽

帆過尋陽晚霽開
西風北雁似相催
大都浪後青堆沒

五老雲中翠疊來，此路便堪歸水石。何門更合向塵埃，
遠公林下蓮池畔。箇箇高人盡有才。

寄湘幕王重書記

拋擲江蓠釣磯日，參籌畫廢吟詩。可能有事關心後，
得似無人識面時。官好近聞加茜服，藥靈曾說換霜髭。
高才直氣平生志，除却徒知即不知。

宿沈彬進士書院

相期只為話篇章，踏雪曾來宿此房。喧滑盡消城漏滴，
窗扉初掩岳茶香。舊山春暖生薇蕨，大國塵昏懼殺傷。
應有太平時節在，寒宵未卧共思量。

送白處士遊我峯

閑身誰道是羈遊，西指我峯碧頂頭。琴鶴幾程隨客棹，
風霜何處宿龍湫。尋僧石磴臨天井，斲藥秋崖倒瀑流。
莫為寰瀛多事在，客星相逐不迴休。

寄顧蟾處士

好於山水

久聞為客過蒼梧，休說攜家歸鏡湖。山水顛狂應盡在，
髮毛凋落免貧無。和僧捨入雲中峭，帶鶴驅成澗底孤。
春醉醒來有餘興，因人乞與武陵圖。

懷金陵知舊

海門相別住荆門，六度秋光兩鬢根。萬象倒心難蓋口，

一生無事可傷魂
石頭城外青山疊
北固窗前白浪翻
盡是共游題版處
有時惆悵拂苔痕

喜得自牧上人書

吳都使者泛鷗濤
靈一傳書慰毳袍
別興偶隨雲水遠
知音本自國風高
身依閑淡中消日
髮向清涼處落刀
聞著括囊新集了
擬教誰與序離騷

聞沈彬赴吳都請辟

長訝高眠得穩無
果隨微辟起江湖
鴛鴦已列罇罍貴
鷗鶴休懷釣渚孤
白日不妨扶漢祚
清才何讓賦吳都
可能更憶相尋夜
雪滿諸峯火一爐

寄江夏仁公

寺閣高連黃鶴樓
簷前檻底大江流
幾因秋霽澄空外
獨為詩情到上頭
白日有餘閑送客
紫衣何啻貴封侯
別來多少新吟也
不寄南宗比老邨

送劉秀才歸桑水寧觀

歸和初喜戢戈矛
乍捧鄉書感去留
雁序分飛離漢口
鵠原騫翥在鰲頭
家隣紫塞仍千里
路過黃河更幾州
應到高堂問安後
却攜文入帝京遊

寄曹松

舊制新題削復刊
工夫過甚琢琅玕
藥中求見黃芽易

詩裏思聞白雪難扣寂頗同心在定鑿空何止髮衝冠
夜來月苦懷高論數樹霜邊獨傍欄

酬蜀國歐陽學

因緣劉表駐經行又聽西風墮葉聲鶴髮不堪言此世
峩嶺空約在他生已從禪祖參真性敢向詩家認好名
深愧故人憐潦倒每傳仙語下南荆

寄荆幕孫郎中

珠履風流憶富春三千鷄鷺讓精神詩工鑿破清求妙
道論研通白見真四座共推操檄健一家誰信買書貧
別來鄉國魂應斷劔閣東西盡戰塵

謝王詹事垂訪

鳥外孤峰未得歸人間觸類是無機方悲鹿軫棲江寺
忽訝軺車降竹扉王澤乍聞譚渙汗國風那得話元微
應驚老病炎天裏枯骨肩橫一衲衣

和李書記

繁極全分青帝功開時獨占上春風吳姬舞雪非真艷
漢后題詩是怨紅遠蜨戀香拋別苑野鶯銜得出深宮
君看萬態當筵處羞殺薔薇點翠叢

謝孫郎中寄示

一念禪餘味國風早因持論偶名公久傷琴喪人亡後

金五竹詩 卷六
忽有雲和雪唱同繩琢靜聞鶩象外是非閑見寂寥中
時來日徃緣真趣不覺秋江度塞鴻

寄懷東林寺匡白監寺

南岳別來無約後東林歸住有前緣閑搜好句題紅葉
靜歛霜眉對白蓮雁塔影分疎檜月虎溪聲合幾峰泉
修心若似伊耶舍傳記須添十九賢

謝人惠十色花箋并棋子

陵州棋子浣花箋深愧攜來自錦川海蚌琢來星落落
吳綾隱出雁翩翩留防桂苑題詩客惜寄桃源敵手仙
捧受不堪思出處七千餘里劔門前

夏日寓居寄友人

北遊兵阻復南還因寄荊州病掩關日月坐銷江上寺
清涼魂斷剡中山披緇影跡堪藏拙出世身心合向閑
多謝扶風大君子相思時到寂寥間

中秋十四日夜對月上南平主人

今宵前夕皆堪翫何必圓時始竭才空說輪中有天子
不知何處是樓臺終憂明夜雲遮却且掃閑居坐看來
玉兔銀蟾似多意乍臨棠樹影裴回

荊門病中寄懷鄉人歐陽侍郎彬

誰會荊門一老夫夢勞神役憶匡廬碧雲雁影紛紛去

黃葉蟾聲漸漸無口淡莫分餐氣味身羸但覺病肌膚
可憐饌玉燒蘭者肯慰寒偎雪夜爐

寄酬秦府高推官輦

天台衡嶽舊曾尋閑憶留題白石林歲月已殘衰颯鬢
風騷猶壯寂廖心緱山碧樹遮藏密丹穴雲霞掩映深
爭得相逢一攜手拂衣同去聽元音

叙懷寄高推官

搜新編舊與誰論自向無聲認有聲已覺愛來多廢道
可堪傳去更沾名風松韻裏忘形坐霜月光中共影行
還勝御溝寒夜水狂吟衝尹甚傷情

送朱侍御自洛陽歸閬州寧觀

尋常西望故園時幾處魂隨落照飛客路舊繁秦甸出
鄉程今遠漢陽歸已過巫峽沉青靄忽認峩眉在翠微
從此倚門休望斷交親喜換老萊衣

荆南
 齊
 賄惠暹上人
 經論功餘更業詩又於難裏縱天機吳朝客見投文去
 楚國僧迎著紫歸已得聲名先振俗不妨風雪更探微
 金陵高憶恩門在終挂雲帆重一飛
 酬西蜀廣濟大師見寄
 猶得吾師繼頌聲百篇相愛寄南荆卷開錦水霞光爛

全五代詩卷九十七

羅江李調元雨村編

荆南

齊 已九

賄惠暹上人

經論功餘更業詩又於難裏縱天機吳朝客見投文去
 楚國僧迎著紫歸已得聲名先振俗不妨風雪更探微
 金陵高憶恩門在終挂雲帆重一飛

酬西蜀廣濟大師見寄

猶得吾師繼頌聲百篇相愛寄南荆卷開錦水霞光爛

吟入我眉雪氣清楚外已甘推絕唱蜀中誰敢共懸衡
應憐無可同無本終向風騷作弟兄

全唐詩話 江寺春殘寄幕中知己二首

誰遣西來負岳雲自由歸去竟何因山龕薜荔應殘雪
江寺玫瑰又度春早歲便師無學士臨年却作有為人
何妨夜醮時相憶伴醉佯狂笑老身

社蓮慙與幕蓮同岳寺蕭條儉府雄冷淡獨開香火裏
殷妍行列綺羅中秋加玉露何傷白夜醉金缸不那紅
閑憶遺民此心地一般無染喻真空

全唐詩話 寄玉泉實仁上人

徃歲曾尋聖跡時樹邊三遠禮吾師敢望護法將軍記
且喜焚香弟子知後會未期心的的前峰欲下步遲遲
今來老劣難行甚空寂無緣但寄詩

荆渚感懷寄僧達禪弟

雷繫流年七十三齒衰氣沮竟何堪誰云有句傳天下
自愧無心寄嶺南曉漱氣嫌通市井晚烹香憶落雲潭
鄰峰道者應彈指鮮剥藤纏舊石龕

十五年前會虎溪白蓮齋後便來西千戈時變信雖絕
吳楚路長魂不迷黃葉喻曾同我悟碧雲情近無誰攜
春殘相憶荆江岸一隻杜鵑頭上啼

寄孫魴秀才

郡樓東面寺牆西
顏子生涯竹屋低
書案飛颺風落絮
地苔狼藉燕銜泥
吟窗晚凭春篔簹
密行徑斜穿夏菜齊
別後相思頻夢到
二年同此賦閑題

送李評事往宜春

蘭舟西去是通津
名郡賢侯下禮頻
山遍寺樓看仰岫
臺連城閣上宜春
鴻心夜過鄉心亂
雪韻朝飛句韻新
別有官榮身外趣
月江松徑訪禪人

中春感興

春風日日雨時時
寒力潛從暖氣衰
一氣不言含有象

萬靈何處謝無私
詩通物理行堪掇
道合天機坐可窺
應是正人持造化
盡驅幽細入鑪錘

酬尚顏上人

紫綬蒼髭百歲侵
綠苔芳草遶堦深
不妨好鳥喧高卧
切忌閑人聒正吟
魯鼎寂寥休辨口
劫灰銷變莫喧心
還憐我有冥搜癖
時把新詩過竹尋

寄倪署郎中

風雨冥冥春闇移
紅殘綠滿海棠枝
帝鄉久別江鄉住
春筍何如櫻筍時
海內擅名君作賦
林間外學我為師
近聞南國升南省
應笑無機老病師

題鄭郎中谷仰山居

簷壁層層映水天，半乘岡壠半民田。
王維愛甚難拋畫，支遁憐多不惜錢。
巨石盡含金玉氣，亂峰深銷棟梁烟。
秦爭漢奪虛勞力，却是巢由得穩眠。

湘中寓居春日感懷

江禽野獸兩堪傷，避射驚彈各自忙。
頭角任多無獬豸，羽毛雖衆讓鴛鴦。
落苔紅小櫻桃熟，侵井青纖燕麥長。
吟罷離騷憶前事，汨羅春浪撼殘陽。

寄友生

風騷情味近如何，門底寒流屋裏莎。
曾摘園蔬留我宿，

共吟江月看鴻過，時危苦恨無收拾。
道妙深誇有琢磨，涼夜欹眠應得夢。
平生心肺似君多。

酬答退上人

鬚鬢三分白，二分一生蹤跡出。
人羣嵩地夢憶諸峯，雪衡岳禪依五寺。
雲青衲幾臨高瀑，濯苦吟曾許斷猿聞。
荒村殘臘相逢夜，月滿鴻多楚水濱。

寄鄭谷郎中

上國誰傳消息過，醉眼醒坐對差莪。
身離道士衣裳少，筆答禪師句偈多。
南岸郡鐘涼度枕，西齋竹露冷沾莎。
還應笑我降心外，惹得詩魔助佛魔。

寄萍鄉唐稟正字

新書聲價滿星都高卧林中更起無春興酒香薰肺腑
夜吟雲氣濕髭鬚同登水閣僧皆別共上漁船鶴亦孤
長憶前年送行處洞門殘日照菖蒲

秋夕書懷

涼多夜永擁山袍片石閑歌不覺勞蟋蟀遠牀無夢寐
梧桐滿地有蕭騷平生樂道心常切五字逢人價合高
破落西窗向殘月露聲如雨滴蓬蒿

亂後經西山寺

松燒寺破是刀兵谷變陵遷事可驚雲裏乍逢新任主

石邊重憶舊題名閑臨菡萏荒池坐亂踏鴛鴦破瓦行
欲伴高僧重結社此身無計捨前程

塘上閑作

閑行閑坐藉莎烟此興堪思二古賢陶靖節思彭澤畔
賀知章在鏡池邊鴛鴦著對能飛繡菡萏成羣不語仙
形影騰騰夕陽裏數峰危翠滴漁船

送人自蜀迴南遊

錦水東浮情尚鬱湘波南泛思何長蜀魂巴狄悲殘夜
越鳥燕鴻叫夕陽烟月幾般為客路林泉四絕是吾鄉
尋幽別有僧相指宋杜題詩是舊房

寄元願上人
六十八去七十歲與師年鬢不爭多誰言生死無消處
還有修行那得何開士安能窮好惡故人堪憶舊經過
會歸原上焚身後一陣灰飛也

謝橘洲人寄橘
洞庭栽種似瀟湘綠遶人家帶夕陽霜
浪圍風撼一洲香洪崖遣後名何遠陸績懷來事更長
藏貯待供賓客好石榴宜稱映丹光

自貽
心中身外更何猜坐石看雲養聖胎
名在好詩誰逐去

跡依閑處自歸來時添瀑布新瓶水
旋換旃檀舊印灰
晴出寺門驚往事古松千尺半蒼苔

寄益上人
長想尋君道路遙亂山霜後火新燒
近聞移住鄰衡岳
幾度題詩上石橋古木傳聲連峭壁
一燈懸影過中宵
風騷味薄誰相愛歌枕常多夢鮑昭

行次宜春寄湘西諸友
幸無名利路相迷雙履尋山上
柏梯衣鉢祖辭梅嶺外
香燈社別橘洲西雲中石壁青侵漢
樹下苔錢綠遶溪
我愛遠遊君愛住此心他約與誰攜

送畧禪者歸南岳
林下鐘殘又拂衣，錫聲還獨向南飛。
千峰合截冥鴻處，一徑險通禪客歸。
青石上行苔片片，古杉邊宿雨霏霏。
勞生有願應回首，忍著無心與物違。

詠懷寄知己

已得浮生到老閑，且將新句擬元關。
自知清興來無盡，誰道淳風去不還。
三百正聲傳世後，五千真理在人間。
此心終待相逢說，時復登樓看暮山。

寄吳拾遺

新竹將誰推重輕，皎然評裡見權衡。
非無苦到難搜處

合有清垂不朽名，疎雨晚衝蓮葉響。
亂蟬涼抱檜梢鳴，野橋閑背殘陽立。
翻憶蘇卿送子卿。

謝道友拄杖

剪自南巖瀑布邊，寒光七尺乳珠連。
持來未入塵埃路，乞與應憐老病年。
歌影夜歸青石澗，卓痕秋過綠苔錢。
他時攜上嵩峰頂，把倚長松看洛川。

東林寄別修睦上人

行心乞得見秋風，雙履難留去住蹤。
紅葉正多離社客，白雲無限向嵩峰。
囊中自欠詩千首，身外誰知事幾重。
此別不能為後約，年華相似逼衰容。

夏日原西避暑寄吟友
熱煙疎竹古原西日日乘涼此杖藜
閑處雨聲隨霹靂旱田人望隔虹霓
蟬依獨樹乾吟苦鳥憐平川渴過齊
別有相招好泉石瑞花瑶草盡堪攜

憶匡阜

荊州城歲滯遊方拄杖塵封六尺先
洗面有香思石溜冥心無撓憶山床
閑機但媿時機速靜論須慙世論長
昨夜分明夢歸去薜蘿幽迳遶禪房

答禪者

五老峰前相遇時兩無言語只揚眉
南宗北祖皆如此

天上人間更問誰山衲靜披雲片片
鐵刀涼削鬢絲絲閑吟莫學湯從事
拋却袈裟負本師

梓栗杖送人

禪家何物贈分襟只有天台杖一尋
拄去客歸青洛遠採來僧入白雲深
遊山曾把探龍穴出世期將指佛心
此日江邊贈君後却攜筇杖向東林

寄朗陵二禪友

瀟湘曾宿話詩評荆楚連秋阻野情
金錫罷遊雙鬢白鐵盂終守一齋清
篇章老欲齊高手風月閑思到極精
南望山門石何處滄浪雲夢浸天橫

燈

幽光耿耿草堂空
空窗隔飛蛾恨不通
紅燼自凝清夜朵
赤心長謝碧紗籠
雲藏水國城臺裏
雨閉松門殿塔中
金屋玉堂閒照睡
豈知螢雪有深功

寄金陵幕中有郎中

龍門支派富才能
年少飛翔便大鵬
久待尊壘臨鐵甕
又從旌節鎮金陵
精神一隻秋空鶴
騷雅千尋夏井冰
長憶相招宿華館
數宵忘寢盡寒燈

寄韓蛻秀才

松門高不似侯門
薛廷鞋蹤觸處分
遠事即為無害鳥

多閑便是有情雲
那憂寵辱來驚我
且寄風騷去敵君
和伴李膺琴酒外
絳紗閑卷共論文

湘中春興

雨歇江明苑樹乾
物妍時泰恣遊盤
更無輕翠勝楊柳
盡覺濃華在牡丹
終日去還拋寂寞
逸池迴却凭闌干
紅芳片片由青帝
忍向西園看落殘

送錯公栖公南遊

洪偃湯休道不殊
高帆共載興何俱
北京喪亂離丹鳳
南國煙花入鷓鴣
明月團圓臨桂水
白雲重疊起蒼梧
威儀本是朝天士
暫向遼荒住得無

寄南岳諸道友

南望衡陽積瘴開去年曾踏雪遊迴謾為楚客蹉跎過
却是邊鴻的當來乳竇孤明含海日石橋危滑長春苔
終尋十八高人去共坐蒼崖養聖胎

送韓蛻秀才赴舉

槐花館驛暮塵昏此去分明吏部孫才器合居科第首
風流幸是縉紳門春和洛水清無浪雪洗高峯碧斷根
堪想都人齊指點列仙相次上崑崙

誤居寓言

秋蔬數壠傍潺湲頗覺生涯異俗緣詩興難窮花草外

野情何限水雲邊蟲聲透屋無人語月影當松有鶴眠
寄向東溪老樵道莫推丹桂博青錢

遣懷

詩病相兼老病深世醫徒更費千金餘生豈必虛拋擲
未死何妨樂詠吟流水不迴休歎息白雲無跡莫追尋
閑身自有閑消處黃葉清風蟬一林

自湘中將入蜀留別諸友

巾舄初隨入蜀船風帆吼過洞庭煙七千里路到何處
十二峰雲更那邊巫女暮歸林淅瀝巴猿吟斷月婵娟
來年五月峨眉雪坐看消融滿錦川

寄匡阜諸公二首

松頭栢頂碧森森
虛檻寒吹夏景深
靜社可追長往跡
白蓮難問久修心
山圍四面纔容寺
月到中宵始滿林
爭學忘言住幽勝
吾師遺集盡清吟

峯前林下東西寺
地角天涯來往僧
泉月淨流閑世界
杉松深鎖盡香燈
爭無大士重修社
合有諸賢更服膺
曾寄鄰房挂餅錫
雨聞巖溜解春冰

酬廬山張處士

髮枯身老任浮沉
懶泥秋風更役吟
新事向人堪結舌
舊時開卷但傷心
苔牀卧憶泉聲遠
麻履行思樹影深

終謝柴桑與彭澤
醉遊閑訪入東林

寄峴山道人

鳳門高對鹿門青
往歲經過恨未平
辯出上人方話道
卧龍丞相忽追兵
爐峰已負重迴計
華嶽終懸未去情
聞說東周天子聖
會搖金錫却西行

懷金陵李推官僧自牧

秣陵長憶共吟遊
儒釋風騷道上流
蓮幕少年輕謝眺
雪山真子鄙湯休
也應有作懷清苦
莫若無心過白頭
欲附別來千萬意
病身初起向殘秋

寄尋萍公

聞在湓城多寄住隨時談笑渾塵埃孤峯恐憶便歸去
浮世要看還下來萬頃野煙春雨斷九條寒浪晚窗開
虎溪橋上龍潭寺曾此相尋踏雪迴

得李推官近寄懷

荆門前歲使乎迴求得星郎近制來連日借吟終不已
一燈忘寢又重開秋風漫作牽情賦春草真為入夢才
堪笑陳宮諸狎客當時空有箇追陪

對菊

蝶醉風狂半折時冷煙清露壓離披欲傾琥珀盃浮爾
好把茱萸及配伊孔雀毛衣應者是鳳凰金翠更無之

何因裁向僧園裏門外重陽過不知

憶東林因送二生歸

好向東林度此生半天山脚寺門平紅霞嶂底潺潺色
清夜房前瑟瑟聲偶別十年成瞬息欲來千里阻刀兵
可憐二子同歸興南國煙花路好行

渚宮西城池上居

城東移錫住城西綠遶春波引杖藜翡翠滿身衣有異
鷺鷥通體格非低風搖柳眼開煙小暖逼蘭芽出土齊
猶有幽深不相似剡溪乘櫂入耶溪

中秋夕愴懷寄荆幕孫郎中

白蓮香散沼痕乾
綠篠陰濃薜地寒
年老寄居思隱切
夜涼留客話時難
行僧尋去雲山遠
賓鴈同來澤國寬
時謝孔璋操檄外
每將空病問衰殘

酬湘幕徐員外見寄

東海儒宗事業全
冰稜孤峭類神仙
詩同李賀精通鬼
文擬劉軻妙入禪
珠履早曾從相府
玳簪今又別官筵
篇章幾謝傳西楚
空想雄風度十年

寄蜀國廣濟大師

冰壓霜壇律格清
三千傳授盡門生
禪心盡入空無跡
詩句閑搜寂有聲
滿國繇華徒自樂
兩朝更變未曾驚

終思相約岷峨去
不得攜筇一路行

答獻上人卷

衲衣禪客袖篇章
江上相尋共感傷
秦甸亂來栖自沒
杼山空後皎然亡
清留島月秋凝露
苦寄巴猿夜叫霜
珍重南宗好才子
灰心冥目外無妨

寄武陵貫微上人二首

知泛滄浪櫂未還
西峰房鎖夜潺潺
春陪相府遊仙洞
雪共賓寮對玉山
詩裏幾添新菡萏
衲痕應換舊爛斑
莫忘一句曾溪妙
堪塞孫騁度關

吳頭東面楚西邊
雲接蒼梧水浸天
兩地別離身已老

言相合道休傳風騷妙欲凌春草蹤跡閑思遠嶽蓮
不是傲他名利世吾師本在雪山巔

懷體休上人

仲宣樓上望重湖君到瀟湘得健無病遇何人分藥餌
詩逢誰子論功夫杉蘿寺裡尋秋早橘柚洲邊度日晡
許送自身歸華嶽待來朝暮拂銜盃

招湖上兄弟

去歲得君消息在兩憑人信過重湖忍貪風月當年少
不寄音書慰老夫藥鼎自聞傳秘訣詩門曾說擁寒爐
漢江江路西來便好傍扁舟訪我無

江居寄關中知己

多病多慵漢水邊流年不覺已瞠然舊栽花地添黃竹
新陷盆池換白蓮雪月未望招遠客雲山終待去安禪
八行書札君休君不似風騷寄一篇

全五代詩卷九十八

羅江李調元雨村編

荆南

齊已十

靜坐

繩牀歌坐任崩頽
雙眼醒醒閉復開
日月更無閑裏過
風騷時有靜中來
天真自得生難捨
世幻誰驚死不迴
何處堪投此蹤跡
水邊晴去上高臺

寄湘中諸友

碧雲諸友盡黃眸
石點花飛更說無
嵐翠濕衣松接院

芙蓉薰面寺臨湖沃洲高卧心何僻匡社長禪興亦孤
爭似楚王文物國金鑣紫綬讓前途

答元願上人書

鄭生驅蹇峴山迴傳得安公好信來千里阻修俱老骨
八行重疊慰寒灰春殘桃李猶開戶雪滿松杉始上臺
別有南遊山水興漢江平穩好浮杯

送允公歸闕

西朝歸去見高情應戀香燈近聖明關令莫疑非馬辯
道安還跨赤驢行充齋野店疎無味灑笠平原雪有聲
忍惜文章便閑得看他趨競取時名

感時

忽忽枕前蝴蝶夢悠悠覺後利名塵無窮今日明朝事
有限生來死去人終與狐狸為窟穴謾師龜鶴養精神
可憐顏子能消息虛空坐忘心最真

湖上逸人

澹蕩光中翡翠飛田田初出柳絲絲吟沿綠島時逢鶴
醉泛清波或見龜七澤釣師應識我中原逐鹿不知誰
秋風水寺僧相近一徑蘆花到竹籬

懷巴陵

垂白堪思大亂前薄遊曾駐洞庭邊尋僧古寺沿沙岸

倚杖殘陽落木天
蘭蓀薦菴騷客廟
烟波晴闊釣師船
此時欲買君山住
嬾就商人乞箇錢

渚宮謝楊秀才自嵩山相訪

嵩峰有客遠相尋
塵滿麻衣袖苦吟
花盡草長方閉戶
道孤身老正傷心
紅堆落日雲千仞
碧撼涼風竹一林
惆悵雅聲消歇去
喜君聊此暫披襟

荆門寄沈彬

罷趨明聖嬾從和
鶴氅褙裘遂性披
道有靜君堪托迹
詩無賢子擬傳誰
松聲白石邊行上
日影紅霞裡夢思
珍重兩篇千里達
今年江上雪飛時

讀陰符經

遶窻風竹骨輕安
閑借陰符仰卧看
絕利一源真有謂
空勞萬卷是無端
清虛可保昇雲易
嗜欲終知入聖難
三要洞開何用閉
高臺時去凭欄干

移居

上台言任養疎愚
乞與西城水滿湖
吹榻好風終日有
趁涼閑客片時無
檀欒翠擁清蟬在
菡萏紅殘白鳥孤
欲問存思搜抉妙
幾聯詩許敵三都

喜彬上人見訪

高吟欲繼沃洲師
千里相尋問課虛
殘臘江山行盡處

滿衣風雪到閑居，攜來律韻清何甚。趣入幽微旨不踈，
莫惜天機細搥琢。他時終可擬芙蓉。

荊州新秋寺居寫懷詩五首上南平王

竹如翡翠侵簾影，苔學琉璃布地紋。高卧更無如此樂，
遠遊何必愛他雲。閑聽謝眺吟為政，靜看蕭何坐致君。
只恐老身衰朽速，他年不得頌鴻勳。

井梧黃落暮蟬清，久駐金臺但暗驚。事佛未憐諸弟子，
談空爭動上公卿。合歸鳥外藏幽跡，敢向人前認好名。
滿印白檀燈一盞，可能酬謝得聰明。

金湯裏面境何求，寶殿東邊院最幽。栽種已添新竹影，

畫圖兼列遠山秋。形容豈合親公子，章句爭堪狎士流。
虛負岷峨老僧約，年年雪水下汀洲。

漢江西岸蜀江東，六稔安禪教化中。託跡幸將王粲別，
歸心寧與子山同。尊壘豈識曹參酒，賓客還親宋玉風。
又見去年三五夕，一輪寒魄破煙空。

石龕閑鎖舊居峰，何事膺門歲月重。五七詩中叨見遇，
三千客外許踈慵。迎涼蟋蟀喧閑思，積雨莓苔沒屐蹤。
會待英雄啓金口，却教擔錫入雲松。

送李秀才歸湘中

詞客攜文訪病夫，因吟送別憶湘湖。寒消浦溆催鴻鴈，

暖入溪山養鷓鴣僧向月中尋岳麓雲從城上去蒼梧
君歸為問峰前寺舊住僧房鎖在無

寄吳國西供奉

別來相憶夢多迷君住東朝我楚西
瑤闕合陪龍象位春山休記鷓鴣啼
承恩位與千官別應制才將十子齊
幾笑遠公慵送客慙歎只到寺前溪

謝人惠端溪硯

端人鑿斷碧溪滌善價爭教惜萬金
礪琢已曾經妙手研磨終見透堅心
安排得主難移動含貯隨時任淺深
保重更求裝鈿匣閑將濡染寄知音

送吳先輩赴京

煙霄已遂明經第江漢重來問苦吟
託興偶憑風月遠忘機終在寂寥深
千篇未聽常徒口一字須防作者心
此日與君聊話別老身難約更相尋

和西蜀可準大師遠寄之什

莫知何路去追攀空想人間出世間
杜口已同居士室傳心休問祖師山
禪中不住方為定說處無生始是閑
珍重希音遠相寄辭峰西望疊孱顏

荆門暮冬與節公話別

漳河湘岸柳闌頭離別相逢四十秋
我憶黃梅夢南國

君懷明主去東周幾程霜雪經殘臘何處封疆過舊遊
好及春風承帝澤莫忘衰朽卧林邱

賀孫支使郎中遷居

別認公侯禮上才築金何啻舊燕臺地連東閣橫頭買
門對西園正面開不隔紅塵趨祭戟只拖珠履赴尊壘
應逢明月清霜夜閑領笙歌宴此來

庭際新移松竹

三莖瘦竹兩株松瑟瑟脩脩韻且同抱節乍離新澗雪
盤根遠別舊林風歲寒相倚無塵地蔭影分明有月中
更待陽和信催促碧梢青杪看凌空

荆門寄題禪月大師影堂

澤國聞師泥日後蜀王金禮葬餘灰白蓮塔向清泉鎖
禪月堂臨錦水開西岳千篇傳古律大師著西岳集三十卷盛傳于世南宗
一句印靈臺不堪隻履還西去葱嶺如今無使迴

賀雪

上清凝結下乾坤為瑞為祥表致君日月影從光外過
山河形向靜中分歌揚郢路誰同聽聲灑梁園客共聞
堪想畫堂簾卷次輕隨舞袖正紛紛

荊州寄貫微上人

舊齋休憶對松關各在王侯顧遇間命服已霑天渥澤

衲衣猶擁祖爛斑相思莫救燒心火留滯難移壓腦山
得失兩途俱不是笑他高卧碧孱顏

送休師歸長沙寧觀

高堂親老本師存多難長懸兩處魂已說戰塵消漢口
便隨征擢別荆門晴吟野闊無耕地晚宿灣深有釣村
他日更思衰老否七年相伴琢詩言

渚宮春日因懷有作

舊業樹連湘樹遠家山雲與嶽雲平僧來已說無耕釣
鴈去那知有弟兄客思莫牽蝴蝶夢鄉心自憶鷓鴣聲
沙頭南望堪腸斷誰把歸舟載我行

松化為石

近聞金華山古松化為石

盤根幾聳翠崖前却偃凌雲化至堅乍結精華齊永劫
不隨凋變已千年逢賢必用鑄辭立過聖終將刻印傳
肯似荆山鑿餘者蘚封頑滯卧松煙

寄澧陽吳使君

南客西來話使君澧陽風雨變行春四隣耕釣趨仁政
千里煙花壓路塵去獸未勝除狡吏還珠爭似復逋民
紅蘭浦暖攜才子爛醉連題賦白蘋

湘江送客

湘江秋色湛如冰楚客離懷暮不勝千里碧雲聞塞鴈

幾程青草見巴陵寒濤響疊晨征擣岸葦叢明夜泊燈
鸚鵡洲邊若回首為思前事一捫膺

暮遊岳麓寺

寺樓高出碧巖稜城裏誰知在上層初雪灑來喬木暝
遠禽飛過大江澄閑消不睡憐長夜靜照無言謝一燈
迴首何邊是空地四村桑麥遍邛陵

林下留別道友

位亦無依去是閑何心終戀此林間片雲孤鶴東西路
四海九州多少山靜坐趁涼移樹影興隨題處著苔斑
秋來洗浣行衣了還爾隣僧舊竹關

道林寺居寄岳麓禪師二首

門前石路徹中峰樹影泉聲在半空尋去未應勞上下
往來殊已倦西東髭根盡白孤雲並心跡全忘片月同
長憶高窗夏天裏古松青檜午時風
山絕不稱下紅塵各是閑居鳥外身兩處烟霞門寂寂
一般苔蘚石磷磷禪關悟後寧疑物詩格元來不傍人
月照經行更誰見露華松粉點衣巾

亂後江西過孫魴舊居因寄

舊遊重到倍悲涼吟憶同人倚寺墻何處暮蟬喧逆旅
此中山鳥噪垂陽寰區有主權兵器風月無人掌桂香

欲寄此心空北望塞鴻天末失歸行

宜春江上寄仰山長老二首

水隔山城城隔山水邊時望憶師閑清泉白日中峰上
落日半空栖鳥還雲影觸衣分朶朶雨聲吹磬散潺潺
傳心莫學羅浮去後輩思量待扣關

雨晴天半碧光流影倒殘陽濕郡樓絕頂有人經却在
浮生無客暫時遊窗開萬壑春泉亂塔鎖孤燈萬木稠
欲為吾師拂衣去白雲紅葉又新秋

寄居道林寺作

嵐濕南朝殿塔寒此中因得謝塵寰已同庭樹千株老

未負溪雲一片閒石鏡舊遊臨皎潔岳蓮曾上徹孱顏
如今衰颯成多病黃葉風前晝掩關

沙鷗

暖傍漁船睡不驚可憐孤潔似華亭晚來灣浦衝平碧
晴過汀洲拂淺青翡翠靜中修羽翼鴛鴦閑處事儀形
何如飛入漢宮裏留與興亡作曲經

和翁員外題馬太傅宅賈相公井

飛塵不敢下相干闔脉傍應潤牡丹心任短長投玉綆
底須三五映金盤神工舊製泓澄在天澤時加激灑寒
太傅欲旌前古事星郎屬思久憑欄

看雲

何峰觸石濕苔錢便逐高風離瀑泉深處卧來真隱逸
上頭行去是神仙千尋有影滄江底萬里無蹤碧落邊
長憶舊山青壁裏遠菴閑伴老僧禪

對雪寄荆幕知己

猛勢微開萬里清月中看似日中明此時鷗鷺無人見
何處關山有客行郢唱轉高誰敢和巴歌相顧自銷聲
江齋卷箔含毫久應想梁王禮不經

送相里秀才赴舉

兩上東堂不見春文明重去有誰親曾逢少海尊前客

舊是神仙會裏人已逐風雲催化羽却將雷電助燒鱗
明年自此登龍夜迴首荆門一路塵

荆門疾中喜謝尊師自南嶽來相里秀才自京至
閑堂晝卧眼初開強起徐行遶砌苔鶴筆人從衡嶽至
鶉衣客自洛陽來坐聞隣樹栖幽鳥吟覺江雲發早雷
西笑東遊此相別兩途消息待誰迴

吟興自述

前習都由未盡空生知雅學妙難窮一千首出悲哀外
五十年銷雪月中興去不妨歸靜慮情來何止發真風
曾無一字干聲利豈媿操心負主公

送謝尊師自南嶽出入京

曾憶鹿鳴逢世亂因披羽服入衡陽
幾多事隔丹霄興三十年成兩鬢霜
芝木未甘銷勇氣風騷無那激剛腸
中朝舊有知音在可是悠悠入帝鄉

送司空學士赴京

宏文初命下江邊難戀沙鷗與釣船
藍綬乍稱新學士白衫初脫舊神仙
龍山送別風生路雞樹從容雪照筵
重謁往年金榜主便將才術佐陶甄

春寄尚顏

含桃花謝杏花開杜宇新題燕子來
好事可能無分得

名山長似有人催簷聲未斷前旬雨
電影還連後夜雷心跡共師爭幾許
似人嫌處自遲迴

寄梁先輩

慈恩塔下曲江邊別後多應夢到仙
時去與誰論此事亂來何處見同年
陳琳筆硯甘前席用里烟霞待共眠
愛惜麻衣好顏色未教朱紫污天然

荆渚偶作

無味吟詩即把經竟將疎野訪誰行
身依江寺庭無樹山遶天涯路有兵
竹瓦雨聲漂水日紙窗燈燭照殘更
從容一覺清涼夢歸到龍潭掃石枰

城中晚夏思山
葛衣霑汗功雖健紙扇搖風力甚卑苦熱恨無行脚處
微涼喜到立秋時竹軒靜看蜘蛛挂莎徑閑聽蟋蟀移
天外有山歸即是豈同遊子暮何之

憶舊山

誰請衰羸住北州七年魂夢舊山幽心清檻底蒲湘月
骨冷蟬中太華秋高節未聞馴虎豹片言可以傲王侯
應須脫灑孤峯去始是分明箇剃頭

寄體休

南州君去為尋醫病色應除似舊時久別莫忘廬阜約

却來須有洞庭詩金陵往歲同窺井峴首前秋共讀碑
兩處山河見興廢相思更切卧雲期

過陸鴻漸舊居

陸生自有傳於井石又云
行坐讀佛書故有此句

楚客西來過舊居讀碑尋傳見終初佯狂未必輕儒業
高尚何妨誦佛書種竹岸香連菡萏煮茶泉影落蟾蜍
如今若更生來此知有何人贈白驢時太守
贈白驢

寄懷鍾陵舊遊因寄知己

洗井僧來說舊遊西江東岸是城樓昔年淹跡因王化
長日凭欄看水流真觀上人棲樹石陳陶處士在林岬
終拖老病重尋去得到匡廬死便休

遺懷

病腸休洗老休醫七十能饒百歲期不死任還蓬島客
無生自有雪山師浮雲聚散俱關慮明月相逢好展眉
既兆未萌閑酌度不如中抱是尋思

懷武陵因寄幕中韓先輩何從事

武陵嘉致跡多幽每見圖經恨白頭溪浪碧通何處去
桃花紅過郡前流常聞相幕駕鴻興日向神仙洞府遊
鑿井耕田人在否如今天子正徵搜

贈樊處士

小子聲名天下知滿簪霜雪白麻衣誰將一著爭先後

共向長安定是非有路未曾迷日用無貪終不亂天機
閑尋道士過仙觀賭得黃庭兩卷歸

荆渚逢禪友

澤國相逢話一宵雲山偶別隔前朝社思匡岳無宗炳
詩憶揚州有鮑昭晨野黍離春漠漠水天星繁夜遙遙
閑吟莫忘傳心祖曾立塔前雪到腰

送僧歸洛中

赤日彤霞照晚坡東州道路興如何蟬離楚柳鳴猶少
葉到嵩雲落漸多海內自為閑去住關頭誰問舊經過
叮嚀與訪春山寺白樂天真在也麼

道林寓居

秋泉一片樹千株暮汲寒燒外有餘青嶂這邊來已熟
紅塵那畔去應疎風騷未肯忘雕琢瀟灑無妨更剗除
即問沃州開士僻愛禽憐駿意如何

仙掌

峭形寒倚夕陽天毛女蓮花翠影連雲外自為高出手
人間誰合闕揮拳鶴拋青漢來巖檜僧隔黃河望頂煙
晴露紅霞長滿掌只因栖託是神仙

送禪者遊南岳

忽隨南櫂去衡陽誰住江邊樹下房塵夢是非都覺了

野雲心地更何妨漸臨瀑布聽猿思却背岫嶠有鴈行
想到中峰上層寺石窗秋霽見瀟湘

將歸荆山留荆錯公

舊峰前昨下來時白石叢叢間紫薇章句不堪歌有道
溪山只合退無機雲含暖態晴猶在鶴養閑神晝不飛
欲去更思過丈室二年頻此揖清暉

逢進士沈彬

欲話趨時首重騷因君倍惜剗頭刀千般貴在能過達
一片心閑不那高山疊好雲藏玉鳥海翻狂浪隔金鰲
時應記得長安事曾向文場屬思勞

聞王員外新恩有寄

欲退無因貴逼來少儀官美右丞才青袍早許淹花幕
霜簡方聞謝柏臺金諾靜宜資講誦玉山寒稱奉尊罍
西峰有客思相賀門隔瀟湘雪未開

秋夕言懷寄所知

休問蒙莊材不材孤峰影共傍寒灰忘筌話道心甘死
候體論詩口嬾開窗外風濤連建業夢中雲水憶天台
相疎却是相知分誰訝經年一度來

全五代詩卷九十九

羅江李調元兩村

編

荆南

齊己

謝人自鍾陵寄紙筆

故人猶憶苦吟勞所惠何殊金錯刀霜雪剪裁新剡磴
鋒鋟管束本宣毫知君倒篋情何厚借我臨池價斗高
詞客分張看欲盡不堪來處隔秋濤

移居西湖作二首

火雲陽燄欲燒空小檻幽窗想舊峰白汗此時流枕簟



清風何處動杉松殘更好眠涼月遠寺俄聞報曉鐘
只待秋聲滌心地衲衣新洗健形容

官園樹影晝陰陰咫尺清涼莫浣心桃李別教人主掌
煙花不稱我追尋蝸螻晚噪風枝穩翡翠閑眠宿處深
爭似出塵地行止東林苔徑入西林

題玉泉寺

高韻雙懸張曲江聯題兼是孟襄陽後人才地誰稱短
前輩經天盡負長勝景飽於閑采拾靈蹤銷得正思量
時移兩板成塵跡猶挂吾師舊影堂

題贈湘西龍安寺利禪師

頭白已無行脚念自開荒寺住煙蘿門前路到瀟湘盡
石上雲歸岳麓多南祖衣盂曾禮謁東林泉月舊經過
閑來松外看城郭一片紅塵隔逝波

寄道林寺諸友

吟興終依異境長舊遊時入靜思量江聲裡過東西寺
樹影中行上下方春色濕僧中屢膩松花沾鶴骨毛香
老來何計重歸去千里重湖浪渺茫

荆渚寄懷西蜀無染大禪師

大瀉心付白崖前寶月分輝照蜀天聖主降情延北內
諸侯稽首問南禪清秋不動驪龍海紅日無私罔象川

欲聽吾宗舊山說地邊身老楚江邊

謝南平王賜山鷄

五色文章類彩鸞楚人羅得半摧殘金籠莫恨傷冠幘
玉粒須慙剪羽翰孤立影危丹檻裏雙棲伴在白雲端
上舌愛育通幽細却放溪山去不難

靜院

花院相重點破苔誰心肯此話心灰好風時傍疎篁起
幽鳥晚從何處來筆硯興狂師沈謝香燈魂斷憶宗雷
浮生已問空王了箭急光陰一任催

中春林下偶作

淨境無人可共攜閑眠未起日光低浮生莫把還丹續
萬事須將至理齊花在月明蝴蝶夢雨餘山綠杜鵑啼
何能向外求攀折巖桂枝條拂石梯

題南平後園牡丹

暖披煙艷照西園翠幄朱欄護列仙玉帳笙歌留盡日
瑤臺伴侶待歸天香多覺受風光剩紅重知含雨露偏
上客分明記開處明年開更勝今年

謝人惠十才子圖

丹青妙寫十才人玉峭冰稜姑射神醉舞離披真鸞驚
狂吟崩倒瑞麒麟翻騰造化山曾竭株掇珠璣海幾貨

猶得知音與圖畫草堂閑挂似相親

荆渚感懷寄僧達禪弟

鶴嶺僧來細話君依前高尚跡難羣自拋南岳三生石
長傍西山數片雲丹訪葛洪無舊竈詩尊靈觀有遺文
莫將離別為相隔心似虛空幾處分

早鶯

何處經年悶好音暖風催出轉喬林羽毛新刷陶潛菊
喉舌初調叔夜琴藏雨並樓紅杏密避人雙入綠楊深
曉來枝上千般語應共桃花說舊心

題梁賢巽公房

吳王廟側有高房簾影南軒日正長吹苑野風桃葉碧
壓畦春露菜花黃懸燈向後惟冥默凭案前頭即渺茫
知有虎溪歸夢切寺門松折社僧亡

懷瀟湘即事寄友人

浸野遙空澹蕩和十年隣住聽漁歌城臨遠櫂浮煙泊
寺近閑人泛月過岸雨綠蕪春雨細汀連斑竹晚風多
可憐千古懷莎岸還有魚龍弄白波

春晴感興

連旬陰翳曉來晴水滿圓塘照日明岸草短長邊過客
江花紅白裏啼鶯野無征戰時堪望山有樓臺煖竹行

桑柘依依禾黍綠可憐歸去是張衡

寄吳國知舊

淮甸當年憶旅遊衲衣樓笠外何求城中古巷尋詩客
橋上殘陽背酒樓晴色水雲天合影晚聲名利市爭頭
可憐王化融融裏惆悵無僧似惠休

江上夏日

無處清陰似剡溪火雲竒崛倚空齊千山冷疊湖光外
一扇涼搖楚色西碧樹影疎風易斷綠蕪平遠日難低
故園舊寺臨湘水斑竹煙深越鳥啼

吳王瑩

透窗寄竹住還移萬類俱閑始見伊難把寸光藏暗室
自持孤影助明時空庭散逐金風起亂葉爭收玉露垂
後代書生嬾收拾夜深飛過讀書帷

湘中送翁員外歸閩

船滿琴書與酒杯清湘影裏片帆開入歸南國鄉園去
鴈逐西風日夜來天勢漸低分海樹山城欲盡見城臺
此身未別江邊寺猶看星郎奉詔迴

中秋月侍宴獻秦王

空碧無雲露濕衣羣星光外湧清規東樓莫礙漸高勢
四海正看當路時還許分明吟皓魄肯教幽暗取丹枝

可憐半夜嬋娟影正對五侯殘酒池

十國春秋齊已窺從榮有異志此詩幾得罪已而脫歸

聞道林諸友嘗茶因有寄

槍旗冉冉綠叢園穀雨初晴叫杜鵑
摘帶嶽華蒸曉露碾和松粉煮春泉
高人愛惜藏巖裡白碓封題寄火前
應念苦吟耽睡起不堪無過夕陽天

聞尚顏上人初居有寄

麓山南面橘洲西別構新齋與竹齊
野客已聞將鶴贈江僧來說有詩題
窗臨杳靄含千嶂枕遍潺湲月一溪
可想下移禪吟榻處松陰冷濕壁新泥

庚午歲九日作

門底秋苔嫩似藍此中消息與何堪
亂離偷過九月九頭尾算來三十三
雲影半晴開夢澤菊花微暖傍江潭
故人今日在不在胡鴈背風飛向南

寄上顏

莫向孤峯道息機有人偷眼羨吾師
滿身光化年前寵幾軸開平歲裏詩
比闕故人隨喪亂南山舊寺在參差
清吟自憶徐方政應恨當時不見時

送人入蜀

何必閑吟蜀道難知君心出嶮巖
間尋常秋泛江陵去容易春浮錦水還
兩面碧懸神女峽幾重青出丈人山

文君酒市逢初雪滿貫新沽洗旅顏

送王處遊蜀

又挂寒帆入錦川木蘭舟裏過殘年自修姍姍爐中物
擬作飄飄水上仙三峽浪喧明月夜萬州山到夕陽天
來年的有荆南信迴札應緘十色牋

中秋十五夜寄人

高河瑟瑟轉金盤歎露吹光逆凭欄四海魚龍精魄冷
五山鸞鶴骨毛寒今宵盡向圓時望後夜誰當缺處看
何事清光與蟾兄却教才小少留難

看金陵圖

六朝圖畫戰爭多最是陳宮計數訛若愛蒼生似歌舞
隋皇自合耻干戈

寄南禪泰禪師

江頭默想坐禪峯白石山前萬丈空山下獵人應不到
雪殘花落落菴中

片雲

水底分明天上雲可憐形影似吾身何妨舒作從龍勢
一雨吹銷萬里雲

寄清溪道者

萬重千疊紅霞嶂夜燭朝香白石龕常寄溪窗凭危檻

看經影落古龍潭

病中勉送小師往清涼山禮大聖

豐衣足食處莫往聖跡靈蹤好遍尋
忽遇文殊開慧眼他年應記老師心

謝人惠拄杖

何處雲根採得來黑龍狂欲作風雷
知師念我形骸老教把經行拄綠苔

送楚雲上人往南嶽刺血寫法華經

剥皮刺血誠何苦欲寫靈山九會文
十指瀝乾終七軸後來求法更無君

送胎髮筆寄仁公

內唯胎髮外秋毫綠玉新裁管束牢
老病手疼無那爾却資年少寫風騷

謝西川曇域大師玉筋篆書

玉筋真文久不興李師傳到李陽冰
正悲千載無來者果見僧中有箇僧

偶作寄王祕書

七絲湘水秋深夜五字河橋日暮時
借問祕書即此意靜彈高咏有誰知

謝人惠紙

五代詩

卷九

荆南

八

全五代詩 卷五
烘焙幾工成曉雪輕明百幅疊春冰何消才子題詩外
分與能書貝葉僧

答文勝大師清柱書

纔把文章干聖主便承恩澤換禪衣應兼六祖傳空衲
只向曹溪求息機

寄懷曾口寺文英大師

著紫袈裟名已貴吟紅菡萏價兼高秋風曾憶西遊處
門對平湖滿白濤

懷道林寺道友

四絕堂前萬木秋碧參差影壓湘流閑思宋杜題詩板

一日憑欄到夜休

辭主人絕句四首

放鶴

華亭來復去芝田丹頂霜毛性可憐縱與乘軒終悞主
不如還放却遼天

放猿

堪憶春雲十二峰野桃仙杏摘香紅王孫可念愁金鎖
從放斷腸明月中

於鷺鷥

白萍紅蓼碧江涯日暖雙雙立睡時顧揭金籠放歸去

却隨沙鶴鬪輕絲

放鸚鵡

隴西蒼巘結巢高本為無人識翠毛
今日籠中強言語乞歸天外啄含桃

送人往長沙

荆門歸路指湖南千里風帆興可諧
好聽鷓鴣啼雨處木蘭舟晚泊春潭

偶題

時事嬾言多忌諱野吟無主若縱橫
君看三百篇章首何處分明著姓名

寄山中叟

青泉碧樹夏風涼紫蕨紅粳午爨香
應笑晨持一盂苦腥羶市裏叫家常

贈琴客

曾攜五老峰前過幾向雙松石上彈
此境此身誰更愛掀天羯鼓滿長安

勉吟僧

千途萬轍亂真源白晝勞形夜斷魂
忍著袈裟把名紙學他低折五侯門

送人歸華下

蓮花峰翠濕凝秋
舊葉園林在下頭
好束詩書且歸去
而今不愛事風流

夏日城中作二首

三面僧隣一面墻
更無風路可吹涼
他年拾此歸何處
青壁紅霞裏石房

竹低莎淺雨濛濛
水檻幽窗暑月中
有境牽懷人不會
東林門外翠橫空

默坐

燈引飛蛾拂焰迷
露林栖鶴壓枝低
冥心坐滿蒲團穩
夢到天台過剡溪

水邊行

身著袈裟手杖藤
水邊行止不妨僧
禽棲日落猶孤立
隔浪秋山千萬層

寄鄭谷郎中

人間近遇風騷匠
鳥外曾逢心印師
除此二門無別妙
水邊松下獨尋思

水邊飛去青難辨
竹裏歸來色一般
磨吻鷹鷂莫相害
白鷗鴻鶴滿沙灘

與節供奉大德遊京口寺留題

柳岸晴緣十里來水邊精舍絕塵埃煮茶嘗摘與何極
直至殘陽未欲迴

謝荆幕孫郎中見示樂府歌集二十八字

長吉才狂太白顛二公文陣勢橫前誰言後代無高手
奪得秦皇鞭鬼鞭

謝陰符經勉送藏休上人二首

事遂鼎湖遺劍履時來渭水擲魚竿欲知賢聖存亡道
自向心機反覆看

一林霜雪未霑頭爭遣藏休肯便休學盡世間難學事
始堪隨處任虛舟

幽齋偶作

幽院纔容箇小庭疎篁低短不堪情春來猶賴鄰僧樹
時引流鶯送好聲

贈念法華經僧

萬境心隨一念平紅芙蓉折愛河清持經功力能如是
任駕白牛安穩行

對菊

無艷無妖有香香栽多不為待重陽莫嫌醒眼相看過
却是真心愛淡黃

閉門

正是閉門爭合閉大家開處不須開還防明月清風夜
有箇詩人訪得來

勉送吳國三五新戒歸

法王遺制付仁王難得難持劫數長努力只須堅守護
三千八萬是垣墻

夏日寄清溪道者

老病不能求藥餌朝昏只是但焚燒不知誰為收灰骨
繫石栽松傍寺橋

送惠空北遊

君向峴山遊聖境我將何以記多才叮嚀墮淚碑前過

寫取斯文寄我來

寄懷歸州馬判官

三年為倅興何長歸計應多事少忙又見秋風裊裊樹
滿山椒熟水雲看

觀荷葉露珠

霏微曉露成珠顆宛轉田田未有風任器方圓性終在
不妨翻覆落池中

苦熱懷玉泉寺寄仁上人

火雲如燒接蒼梧原野煙連大澤枯謾費葛衫葵扇力
爭禁泉石潤肌膚

觀盆池白蓮

素萼金英散露開，倚風疑立獨徘徊。
應思漱灩秋池底，更有歸天伴侶來。

折楊柳詞四首

鳳樓高映綠陰陰，凝重多含雨露深。
莫謂一枝柔軟力，幾曾牽破別離心。

館娃宮畔響廊前，依託吳王養翠煙。
劍去國亡臺殿毀，却隨紅樹噪秋蟬。

穠低似中陶潛菊，軟極如傷宋玉風。
多謝將軍遠營種，翠中閑早戰旗紅。

高僧愛惜遮江寺，遊子傷殘露野橋。
爭似著行垂上苑，碧桃紅杏樹搖搖。

答長沙丁秀才書

月月便車奔帝闕，年年貢士過荆臺。
如何三度槐花落，未見故人攜卷來。

戒小師

不肯吟詩不聽經，禪宗嬾岳嬾遊行。
他年白首當人間，將底言談對後生。

聞鴈

瀟湘浦暖金迷鶴，邏迤川寒只有鷗。
誰向孤舟憶兄弟，

坐看連鴈度橫橋

送高麗二僧南遊

日邊鄉井別年深
中國靈蹤欲徧尋
何處碧山逢長老
分明認取祖師臨

認猿皮

貴向獵師家買得
攜來乞與坐禪牀
不知摘月秋潭畔
曾對何人啼斷腸

酬光上人

禪言難後到
詩言坐石心
同立月魂應
記前秋會吟處
五更猶在老松根

送僧歸日本

日東來向日西遊
一鉢閑尋徧九州
却憶雞林本師寺
欲歸還待海風秋

庚午歲十五夜對月

海澄空碧正團圓
吟想元宗此夜寒
玉兔有情應記得
西邊不見舊長安

紅薔薇花

晴日當樓曉香歇
錦帶盤空欲成結
鶯聲漸老柳飛時
狂風吹落猩猩血

貽九華上人

一法傳聞繼老能九華閑卧最高層秋鐘盡後殘陽暝
門掩松邊雨夜燈

寄廖匡圖兄弟

僧外閑吟樂最清年登八十喪南荆風騷作者為商確
道去碧雲爭幾程

黃陵美人

寄紘蓋陽居士

落葉栖鴉掩廟扉菟絲金縷舊羅衣渡頭明月好攜手
獨自待郎郎不歸

劉宅女子

幽怨詩

滕說後集東南復州門街東本劉氏舊宅宇舍橫斷做壞鮮人
居梁太保震有遠房弟伯升秀才請居之既憇馭月餘晨夕甚
安一日晝寢夢魘久之乃寤曰適夢一女子泣而呼曰聽妾幽怨之句云云
梁稱嘆而覺全唐詩話上都安邑坊陸氏宅入常謂為凶宅有進主滅夏
榭居其中晝寢忽夢魘見一女子綠裙紅袖弱質纖腰
如霧濛花收淚而云聽妾一篇幽恨之句云云未孰是

卜得上峽日秋江風浪多巴陵一夜雨腸斷木蘭歌

全五代詩卷一百

羅江李調元雨村編

北漢

李暉

暉字孟深汴州陽武人乾祐初進士客遊嵐州
 世祖劉昫即位署州從事擢知制誥翰林學士
 歷仕睿宗父子累官至推誠佐命功臣特進守
 尚書左僕射兼中書侍郎平章事上柱國隴西
 郡開國公入宋授行軍司馬卒

十國春秋暉文詞駢麗見推流輩其武帝時天龍寺千佛樓成詔暉撰碑銘而命翰林令劉守清王廷選勒文于石一時無不嘆絕其詞云云

天龍寺千佛樓碑銘

覺皇通興大教垂世成位有期壞空相繼大哉賢劫千
 佛重光六度萬行軌躅相望浩劫迢遙一念可攝勿謂
 難逢聲塵相接惟彼陶唐宿列參墟每每沃野煌煌帝
 居天啟亨會神翰瑞圖英武我后后來其蘇一人有作
 撫寧邦域治民事天允釐庶績金像玉樓伊帝之力懿
 哉坤維永奠皇極

譚用之

用之字藏用五代末人

十國春秋北漢太原王景絕與用之
 為友以文章相砥礪景絕于天會中
 自洛還家見睿宗據太原歎曰天下將定以區區一方拒天下此危國
 也遂止上黨購四方書抄之集善數千卷大率與用之皆高士也 文

塞上

秋風漢北雁飛天單騎那堪遠賀蘭磧暗更無巖樹影
 沙平時有野燒瘢貂披寒色和衣冷劍佩胡霜隔匣寒
 早晚橫戈似飛尉擁旄深入異田單
 鉢略城邊日欲西遊人却憶舊山歸牛羊集水煙黏步
 鷓鴣盤空雪滿圍獵騎靜逢邊氣薄戍樓寒對暮煙微
 橫行總是男兒事早晚重來似漢飛

贈索處士

苑傳國初有類贊薄劉從義善文章張翼譚用之善為詩張之翰善
 箋政贊薄畧顯餘皆官不達 吟憲雜錄用之有貽僧句云流水物情
 諸世態落花春夢壓塵芳宿西溪隱士云織
 盤錦紋若乍結墮書花印菊初殘皆佳句也

不將桂子種諸天長得尋君水石邊
元豹夜寒和霧隱
驪龍春暖抱珠眠
山中宰相陶宏景
洞裏真人葛稚川
一度相思一惆悵
水寒煙澹落花前

別維下知已

金鼎光輝照雪袍
維揚春夢憶波濤
塵埃滿眼人情異
風雨前程馬足勞
接塞峨眉通蜀險
過山仙掌倚秦高
別來無限幽求子
應笑區區味六韜

約張處士遊梁

莫學區區老一經
夷門關吏舊書生
晉朝滅後無中散
韓國亡來絕上卿
龍變洞中千谷冷
劍橫天外八風清

好攜長策干時去
免逐漁樵在太平

送友人歸青社

鷓鴣途程在碧天
綠衣東去復何言
三千賓客舊知已
十二山河新故園
吟看桂生溪上月
醉聽鯤化海濤翻
好期聖代重相見
莫學袁生老竹軒

送丁道士歸南中

孤雲無定鶴辭巢
自負樵柯不說勞
服藥幾年期碧落
驗符何處咒丹毫
子陵山曉紅雲密
青草湖平雪浪高
從此人稀見蹤跡
還應選地種仙桃

月夜懷寄友人

金五言
卷一百
劍氣徒勞望斗牛故人別後阻仙舟
殘春謾道深傾蓋好月那堪獨上樓
何處是非隨馬足由來得喪白人頭
清風未許重攜手幾度高吟寄水流

憶南中

碧江頭與白雲門別後秋霜點鬢根
長記學禪青石寺最思共醉落花村
林間曾有湘妃淚窗外禽多杜宇魂
未棹扁舟重回首采薇收橘不堪論

寄友人

病多慵引架書看官職無才思已闌
穴鳳瑞時來却易人龍別後見何難
琴瑟付風月閑生計金玉松筠舊歲寒

早晚煙村碧江畔挂百重對蓼花難

寄岐山林逢吉兩府

岐山高與隴山連製印無私服晏眠
鸚鵡語中分百里鳳凰聲裏過三年
秦無舊俗雲煙媚周有遺風父老賢
莫役生靈種楊柳一枝枝折灞橋邊

感懷呈所知

十年流落賦歸鴻誰傍昏衢駕燭龍
竹屋亂煙思梓澤酒家疎雨夢臨邛
千年別恨調琴懶一片年光覽鏡慵
早晚休歌白石爛放教歸去臥羣峰

江上聞笛

誰為梅花怨未平一聲高喚白龍驚風當閭闔庭初靜
月在姑蘇秋正明曲盡綠楊涵野渡管吹青玉動江城
臨流不欲殷勤聽芳草王孫舊有情

寄閻記室

織錦歌成下翠微豈勞西去問樵機未開水府珠先見
不掘豐城劍自輝鼈逐玉蟾攀桂上馬隨青帝踏花歸
相逢半是雲霄客應笑歌牛一布衣

幽居寄李祕書

幾年帝里阻煙波敢向明時叩角歌看盡好花春卧穩
醉殘紅日夜吟多印開夕照垂楊柳畫破寒潭老芰荷

昨夜前溪有龍鬪石橋風雨少人過

貽釣魚李處士

罷吟鸚鵡草芊芊又泛鴛鴦水上天一棹冷涵楊柳雨
片帆香挂芰荷煙綠搖江澹萍蘆岸紅點雲疎橘滿川
何處遯將歸畫府數莖紅蓼一漁船

河橋樓賦得羣公夜讌

芙蓉簾幕扇秋紅蠻府新邸夜讌同滿座馬融吹笛月
一樓張翰過江風杯黏紫酒金螺重談轉琬璫王塵空
深荷良宵慰顛顛德星池館在江東

寄左先輩

狂歌白鹿上青天何似蘭塘釣紫煙萬卷祖龍坑外物
一泓孫楚耳中泉翩翩蠻榼薰晴浦鞞轆魚車響夜船
學取青蓮李居士一生杯酒在神仙

秋日圃田送人隨計

僕射波前是傳郵去程鷓鴣弄言向秋吟拋芍藥裁詩圃
醉下茱萸飲酒樓向日迴龍駒皎臨風誰和鹿呦呦
明年二月仙山下莫遣桃花逐水流

途次宿友人別墅

十里嶠函一夢勞豈知雲館共蕭條半簾綠透偎寒竹
一榻紅侵墜晚桃蠻酒客稀知酒以長蜀琴風定覺聲高

感君巖下閑招隱細鏤金盤鱸錯刀

春日期巢湖舊事

暖掠紅香燕燕飛五雲仙佩曉相攜花開鸚鵡韋郎曲
竹亞虬龍白帝溪富貴萬場歸紫酒是非千載逐芳泥
不知多少開元事露泣春叢向日低

再遊韋曲山寺

鵲巖煙斷玉巢欹罨畫春塘太白低馬踏翠閣垂柳寺
人耕紅破落花溪千年勝概咸原上幾代荒涼繡嶺西
碧吐紅芳舊行處豈堪回首草萋萋

寄徐拾遺

長竿一擊白龍吟誰和騶虞發素琴野客碧雲魂易斷
故人芳草夢難尋天從補後星辰穩海自潮來島嶼深
好向明庭拾遺事莫教元豹老泉林

秋宿湘江遇雨

江上陰雲鎖夢魂江邊深夜舞劉琨秋風萬里芙蓉國
暮雨千家薜荔村鄉思不堪悲橘柚旅遊誰肯重王孫
漁人相見不相問長笛一聲歸鳥門

貽南康陳處士陶

白玉堆邊蔣迳橫空涵二十四灘聲老無征戰軒轅國
貧有茅茨帝舜城丹鳳畫飛羣大冷一龍秋卧九江清

時人莫笑非經濟還待中原致太平

渭城春晚

秦樹朦朧春色微香風煙煖樹依依邊城夜靜月初上
芳草路長人未歸折柳且堪吟晚檻美花何處醉殘暉
釣鄉千里斷消息滿目碧雲空自飛

閑居寄陳山人

閑居何處得閑名坐掩衡茅損性靈破夢曉鐘聞竹寺
沁心秋雨浸莎庭甕邊難負千杯綠海上終眠萬仞青
珍重先生全太古應看名利似浮萍

江邊秋夕

千鍾紫酒薦菖蒲
松島蘭舟激艷居
曲內橘香江客笛
字中嵐氣岳僧書
吟斯汗漫驅金虎
坐約丹青跨玉魚
七色花虬一聲鶴
幾時乘興上清虛

江館秋夕

耿耿銀河鷹半橫
夢歎金碧輓轡輕
滿窗謝練江風白
一枕齊紈海月明
楊柳敗梢飛葉響
艾荷香柄折秋鳴
誰人更唱陽關曲
牢落烟霞夢不成

秋夜同友人話舊

露下銀河鴈度頻
囊中爐火幾時真
數莖白髮生浮世
一盞寒燈共故人
雲外簟涼吟嶠月
島邊花暖釣江春

何當歸去重攜手
依舊紅霞作近隣

古劍

鑄時天匠待英豪
紫焰寒星匣倍牢
三尺何年拂塵土
四溟今日絕波濤
雄應垓下收蛇陣
滯想溪頭伴豹韜
惜是真龍懶拋擲
夜來衝斗氣何高

寄王侍御

鳥盡弓藏良可哀
誰知歸釣子陵臺
鍊多不信黃花耗
吟苦須驚白髮催
喘月吳牛知夜至
嘶風胡馬識秋來
燕歌別後休惆悵
黍已成畦菊已開

別江上一二友生

國風千載務重華須逐浮雲背若耶無地可歸堪種玉
有天教上且乘槎白綸巾卸蘇門月紅錦衣裁御苑花
他日成都却回首東山看取謝鯤家

寄孟進士

依舊池邊草色芳故人何處憶山陽書回科斗江帆暮
曲罷騶虞海樹蒼吟望曉烟思在渚醉依殘月夢餘杭
別來南國知誰在空對檐榆一斷腸

寄許下前管記王侍御

昔年南去得娛賓頓遜杯前共好春蝗泛羽觴蠻酒膩
鳳銜瑤句蜀牋新花憐遊騎一隨戀草戀征車碧遶輪

別後青青鄭南陌不知風月屬何人

荆浩

浩字浩然沁水人隱太行洪谷自號洪谷子工

丹青尤長山水

清河書畫舫河內荆浩博雅好古善畫山水值五季多故隱於太行著山水訣行世

畫山水圖答大愚

恣意縱橫掃峰巒次第成筆尖寒樹瘦黑澹野雲輕巖
石噴泉穿山根到水平禪房時一展兼稱苦空情

大愚

大愚鄴都青蓮寺沙門

乞荆浩畫

全五代詩
六幅固牢健知君恣筆蹤不求千澗水止要兩株松樹
下留盤石天邊縱遠峯近巖幽濕處惟藉墨烟濃

太原妓

妓太原人

全唐詩話五代時湖南歐陽詹遊太原悅一妓約至都相迎別後妓思之疾甚乃刀髻作詩寄詹絕筆而逝

寄歐陽詹

自從別後減容光半是思郎半恨郎欲識舊來雲髻樣
為奴開取鏤金箱

全五代詩卷一百終

全五代詩補遺

羅江李調元雨村編

梁

無名氏

瘞筆磚文

清異錄趙光逢薄海襄漢濯足溪上見一方磚類碑上題字云云下有獨孤貞節四字甄後積土如益微者甚

薛益好事者瘞筆所在

唐 禿友退鋒郎功成髻髮傷冢頭封馬鬣不敢負恩光

楊凝式

凝式爵里詳見卷九中

全五代詩

補遺

上張相詩洛陽縉紳舊聞記石晉時張相從恩自南院宣徽使官才檢校司徒權西京留守到洛城後未久少師自東京得假往洛陽致日寄詩上張相云云張公知其貧贈遺甚厚

南院司徒鎮洛京未經三月政聲成四方羣后皆如此
端坐庸夫見太平

游士藻

句清異錄游士藻為晉王記室予過其居知昨夜命客問食品曰第一云云予曰好改作釘字便是一句詩士藻令取夜來食日對面塗注云若平生以順人情為佛事獨遠學士可乎

虛釘玲瓏石鎮羊

張振祖

句清異錄沙門愛英注池陽村小人之語曰萬論千經不知無志無營時那娼滿堂娘多姿而富情真妓女中麟鳳進士張振祖以無志無營時

情有色製一聯云云

門前草滿無無老床底錢多有有娘

晉

鄭遨

遨爵里詳見卷十二中

語清異錄鄭遨隱居有高士問何以閱日對曰云云謂玩鷗而聽蛙也

不注目於婆婆兒即側耳於鼓吹長

漢

陶晟

晟號州人漢高祖即位以勸進功授號州刺史

全五代詩

甫貴

罷郡由環衛出為蕃方副車軍司馬終於荊州

副使知州事有集

洛陽縉紳舊聞記公能詩與官師王相溥善常有詩往來屬和翰林承旨陶公穀叔事之

自前延安軍司馬授平州行軍陶翰林為序親書以送之送從叔赴華下序略曰聖上即位之三年命前延安軍司馬參戎聞於華下綏舊俗也踐華寧秦之境遠皇猷者五十有九年矣赤驥嘶風而可仰玉蟾耀彩以如畫潛編嘉作別俟知音攀琪樹而笑天風昂遷周頌控文鯨而飛赤不幅裂韓詩辭多不載公晚年知進士張翼能詩召置門下厚待之嘗曰七言詩我不如翼五言詩翼不如我公有詩云又在環衛時詩云云

句

河經蕃地濁山到漢家青

擬拋丹禁去試著白衣看

仙書

酒家門額

清異錄唐末馮翊城外酒家門額書云於王字末大書酒也字體散逸非世俗書人謂是呂洞賓題

飛空却回顧謝此含春王

周

妙玉

杜鵑句

清異錄太府少卿潘崇有處女名妙玉詠杜鵑云云

一九芭奴般毛羽淵明鬼

無名子

嘲曹翰

清異錄曹翰事世宗為樞密承旨性貪侈常著錦鞵金線絲鞵朝士有托無名子嘲之者詩曰

不作錦衣裳裁為十指倉千金包汗脚漸愧絡絲娘

紫相公

詩

清異錄進士于則謁外親於所陽未至十餘里飯于野店旁有紫荆樹村民祠以為神呼曰紫相公則烹茶因以一盃置相公前策馬徑去是夜夢峨冠紫衣人來見自陳余則紫相公主一方菜蔬之屬隸有天平史掌豐稜判官主儉然嗜嗜茶而奉祠者鮮以為品為供蚤蒙厚飲可謂非常之

五代詩

甫

惠因口占贈詩云云蓋則是日以小分鬚銀匙打茶故目為攪銀公子則家業蔬園中祠之年年獲收

降酒先生風韻高攪銀公子更清豪碎牙粉骨功成後
小碾當銜馬脚槽

陶爨

茶詩

清異錄猶子夙年十二歲予讀胡嶠茶詩愛其新奇因令做法之近晚成篇有云

生凉好喚鷄蕪佛回味宜稱橄欖仙

李度

度顯德中舉進士

玉壺清話工詩有句云云人多誦之王朴為樞密止以此一聯于申之炳知舉遂擢為第

三人朝日主司只誦一聯詩

句

醉輕浮世事老重故鄉人

雲陽道觀廢壇古籤

籤詞

玉壺清話盧多遜相生曹南方幼其父携就雲陽觀小學與羣兒詞書廢壇上有古籤一筒競往抽取為戲時多遜尚未識字得籤

歸示其父詞云云父見頗喜以為吉識迨後作相及敗因遣堂吏趙白陰與秦王廷美連謀南竄年五十二卒一字不差

身出中書堂須因天水白登仙五十二終為蓬海客

南唐

李善寧子

咏貧家壁

清異錄臨川李善寧之子十歲能即席賦詩親友嘗以貧家壁試之略不構思吟曰拖涎指蝸牛也

椒氣從何得燈光鑿處分拖涎來蒸飾唯有篆愁君

嘲

清異錄陳喬張必之子秋晚並游玄武湖時羣鷗游泛必子曰一軸內本瀟湘喬子俄顧卒吏云此白色水禽可作脯否僉議云喬子從是得

陳一堆白
鴨脯之名

張秘子半莖鳳毛陳喬男一堆牛屎

古詩鈞磯立談史虛白論
宋子高引古詩云云

當路莫栽荆棘樹他時免掛子孫衣

後蜀

蜀中道人

句清異錄蜀中有一道人賣自然美人試買之盤中二魚鱗鬚腸胃皆在
鱗上有黑紋如一圓月汁如淡水食者旋剔去鱗腸其味香美石問魚

上何故有月道人從盤中傾出皆是荔枝人初未嘗有魚并汁
笑而急走回顧云云明年時疫食漢人皆免道人不復再具

蓬萊月也不識

楚

賣藥道人

清異錄長沙嶽椽任福祖擁騎吏出行有賣藥道人行吟
無字歌福祖審思豈非異人意遣訪求已出城矣其歌曰

無字歌呵呵亦呵呵哀哀亦呵呵不似荷葉參軍子人

人與箇拜口木大作廳上假閻羅

閩

滑稽子

詩清異錄閩士赴科臨川人赴調會京師旗亭各舉鄉產閩士曰我土荔
子真壓枝天子釘坐真人天下安有並駕者撫人不識荔枝之未腊者

故歲主楊柳閩士不忿遂成喧
競旁有滑稽子徐為一絕云云

閩香玉女含香雪吳會星郎駕火雲草木無情爭底事

清明經對赤叅軍

北漢

趙節

爐

六詩

青吳錄蒲中趙節博瞻剛直
詩作爐火詩云云

近冬附火

以春擁爐成否爐用否隨時有輕重

進身君子合知無

全書存計

於漢

趙節

爐

遊冬附火

遊身君子白如無

此乃古法

以春排爐成否爐用否隨時有輕重

